

յան Հայաստանի ու Կիլիկիայի տարածքից ստեղծեն Հայկական ինքնավարության իրենց հովանավորության ներքո:

Պողոս Նուբար փաշան 1915 թ. հուլիսին անգլիական մի քանի գործիչների հետ ունեցած հանդիպումներից ողբերկած գրում էր. «Մեր զատը Ռուսիո, Յրանսիայի և Անգլիո համակրությունը կվայելի»¹¹³:

Պողոս Նուբարը 1916 թ. դեկտեմբերի 14-ին Չորրորդ պետական դամայի անդամ Պապազնյանին հղած իր նամակում գրում էր. «Ես հանրապետության (Յրանսիայի—խմբ.) կառավարությունից ստացել եմ պաշտոնական հավաստիներ, թե հաղթանակից հետո մեր ազգային ձգտումները կստանան լիակատար բավարարություն»¹¹⁴, և վերջում ավելացնում, որ նրան հայտնի է դաշնակիցների միջև կնքված համաձայնագիրը, որով վեց վիլայեթները և Կիլիկիան չեն կազմելու մի ամբողջություն, նրանց մի մասը տրվելու է Ռուսաստանին, իսկ մյուս մասը (Կիլիկիա)՝ Յրանսիային: «Մենք կարող ենք հուսալ,— եզրակացնում էր Պողոս Նուբարը,— որ Յրանսիայի հովանավորության տակ տրված տեղական լայն ինքնավարության շնորհիվ այնտեղ կիրադրվեն մեր բազմաերևույթներ»¹¹⁵:

Առաջին համաշխարհային պատերազմի ընթացքում դաշնակիցների արած խոստումնային հայտարարությունները և հետագայում միջազգային տարբեր կոնֆերանսներում Հայկական հարցի մասին ընդունած մի շարք բանաձևերը ցույց տվեցին, որ մեծ տերությունները երբեք միտք չեն ունեցել իրապես օգնել արևմտահայերին՝ ազատագրվելու թուրքական բռնակալությունից: Նրանք մշտապես օգտագործում էին Հայկական հարցը միայն Օսմանյան կայսրության նկատմամբ հեռուն միտող իրենց նվաճողական պլաններն իրագործելու նպատակով: Հայկական հարցի մեջ կատարված այդ խաղը հանգեցրեց ոչ թե Արևմտյան Հայաստանի ազատագրմանը, այլ վերջին հաշվով օգնեց թուրքերին՝ բարբարոսաբար բնաջնջելու հայ ժողովրդի արևմտյան հատվածը:

7. ԿՈՒՍԱԿՑՈՒԹՅՈՒՆՆԵՐԻ ՎԵՐԱԲԵՐՄՈՒՆՔԸ ԴԵՊԻ ՊԱՏԵՐԱԶՄԸ

Առաջին համաշխարհային պատերազմի հենց սկզբից նրկորդ ինտերնացիոնալի կուսակցությունների առաջնորդները բացահայտորեն անցան իմպերիալիստական բուրժուազիայի լազերը: Գերմանիայի սոցիալ-դեմոկրատական կուսակցության պարագլուխները 1914 թ. օգոստոսի 4-ին Ռայխստագում քվեարկեցին հօգուտ ռազմական վարկերի, Գերմանական և ավստրո-հունգարական սոցիալ-դեմոկրատների վերնախավը փորձում էր ցույց տալ, որ Գերմանիան և Ավստրո-Հունգարիան «արգար» պատերազմ են մղում հանուն հայրենիքի ազատության և կուլտուրայի պահպանման, հանուն Անգլիայի ու Ռուսաստանի տիրապետության տակ գտնվող ժողովուրդների «ազատագրման»:

Յրանսիայի և Բելգիայի սոցիալ-դեմոկրատական կուսակցությունների ղեկավարները, հավանություն տալով իրենց կառավարությունների մասնակցությանը պատերազմին, «արժանացան» մինիստրական աթոռների: Անգլիա-

113 ՄՍՀ ԿԳՊԱ, ֆ. 57, ց. 2, գ. 669, ք. 42:

114 ՏՆ՝ Աճ, Անցյալից հուշեր, Թիֆլիս, 1925, էջ 349:

115 Նույն տեղում, էջ 350:

յի սոցիալիստական կուսակցության առաջնորդները նույնպես դավաճանեցին բանվոր դասակարգին և Հայրենիքի պաշտպանության անվան տակ կոշ էին անում աջակցել իրենց կառավարության բաղադրականությանը պատերազմում՝ ընդդեմ «գերմանական միլիտարիզմի, բռնապետության և ագրեսիայի»:

Նույն դավաճանական դիրքը բռնեցին ռուսական մենշևիկներն ու էսենները, որոնք ամբողջ պատերազմի ընթացքում պաշտպանում ու արդարացնում էին ցարական կառավարության զավթողական բաղադրականությունը: Անդրկովկասում գործող բուրժուական ու մանրբուրժուական կուսակցությունները՝ կադետները, դաշնակցականները, հնչակյանները, մենշևիկները և մյուսները պատերազմի առաջին իսկ օրից նույնպես պատրաստակամություն հայտնեցին օժանդակելու Ռուսաստանի, Անդլիայի ու Ֆրանսիայի բանակների հաղթանակին, որի հետ նրանք կապում էին իրենց նպատակների իրականացումը¹¹⁶:

«...Հաղթել թշնամուն՝ ահա սա է կառավարության, ինչպես նաև ժողովրդի մեջ բարոյական մեծ ազդեցություն ունեցող հասարակական կազմակերպությունների ձգտումն ու ցանկությունը: Օգտվել դասակարգերին համակած հայրենասիրական զգացմունքից և միավորել նրանց հայրենիքի պաշտպանության գործում՝ հայրենիքի համար անպարտելի ուժ ստեղծելու նպատակով—ահա սա է ժողովրդի ներկայացուցիչների կողմից փայփայվող մեծ նպատակը»: Այսպես էր գրում «Աշղ սող»-ի 1916 թ. հունվարի 26-ի համարում «Մուսավաթ» կուսակցության պարագլուխ Ռասուլ-զադեն¹¹⁷:

Վրացական ֆեդերալիստների օրգան «Սախալսո փուրցելի» («Ժողովրդական թերթիկ») թերթը, ազնվական մտավորականության «Կլղե» («Ժայռ») շաբաթաթերթը, հանդիսանալով պատերազմում Ռուսաստանի հաղթանակի ջերմ պաշտպանները, պահանջում էին վերջ տալ դասակարգային տարաձայնություններին և գործադուլ բռնող ջանքերը թշնամուն հաղթելու համար¹¹⁸: 1915 թ. հունիսի 20-ին վրացական բուրժուա-նացիոնալիստական սոցիալիստ-ֆեդերալիստների կուսակցության օրգան «Սաքարթվելո» («Վրաստան») թերթը գրում էր. «Պետությունը վտանգի մեջ է, մոռացքը ներքին տարաձայնությունների, անձնական անախորժությունների, կուսակցական պայքարի մասին և ոգևորվեցեք մի մտքով ու կամքով»¹¹⁹:

Հայկական բուրժուա-նացիոնալիստական դաշնակցություն կուսակցության օրգան «Հորիզոն» թերթն իր 1915 թ. հուլիսի 3-ի համարի «Մենք էլ լարենք մեր ուժերը» խմբագրական հոդվածում գրում էր. «Ժամանակը չէ», որ մենք էլ հետևենք ուժեղների օրինակին և ընդհանուր սպառազինման դիմելով համախմբենք գործի ընդունակ բոլոր տարրերը, առանց դասակարգային խտրության»¹²⁰:

¹¹⁶ Տե՛ս Մ. Ս. Ագայն, Вековая дружба народов Закавказья, Ереван, 1970, стр. 313—314; ego же «Армянские политические партии и первая мировая война», в сборнике «Первая мировая война», М., 1968, стр. 335—346.

¹¹⁷ Տե՛ս Мирза-Давуд Гуссейнов, Мусават в прошлом и настоящем, Заккинг, 1927, стр. 57.

¹¹⁸ Տե՛ս Մ. Ս. Церцвадзе, Революционное движение в Грузии в 1914—1917 годах, част I (1914—1916 гг.), М., 1957, стр. 137, 140.

¹¹⁹ «Սաքարթվելո», 1915, № 24:

¹²⁰ «Հորիզոն», 1915, № 146:

Հայկական լիբերալ բուրժուազիայի օրգան «Մշակ» թերթը, ողջունելով արդյունաբերության և առևտրի ներկայացուցիչների համառոտաստանյան IX համագումարի որոշումը՝ ռազմաարդյունաբերական կոմիտեներ ստեղծելու մասին, «Նշանավոր դեպքեր» առաջնորդողում գրում էր. «Նշանակալից երեւիւյթ է, որ բոլոր հոսանքները, ուղղութիւնները, խավերը և դասակարգերը միացել են մի հարցի նկատմամբ, այն է՝ ստեղծելու ազգային պաշտպանութեան գործը միացնող մի ընդհանուր համազգային օրգան»¹²¹:

Ահա թե ինչու առևտրական բուրժուական և մանրբուրժուական կուսակցությունների օրինակով նրանք ևս լայն գործունեություն ծավալեցին ռազմաարդյունաբերական կոմիտեներ և զորանց կից «բանվորական խմբեր» ստեղծելու ուղղությամբ: 1915—1916 թթ. ռազմաարդյունաբերական կոմիտեներ ստեղծվեցին Բաքվում, Թիֆլիսում, Երևանում, Բաթումում, Ալեքսանդրապոլում, Փոթիում, Ելիսավետպոլում, Նախիջևանում, Շուշիում, Ախալցխայում և այլուր:

Նրանքի նահանգական ռազմաարդյունաբերական կոմիտեն ստեղծվել է 1915 թ. վերջին, իսկ Ալեքսանդրապոլինը՝ նույն թվականի օգոստոսի 27-ին: Ինչպես երկրամասի մյուս, այնպես էլ Նրևանի և Ալեքսանդրապոլի ռազմաարդյունաբերական կոմիտենները զբաղվում էին կովկասյան ռազմաճակատի զորքերին դեղեր, ռազմամթերք, հանդերձանք, պարեն, զեղորայք և այլն մատակարարելու գործով:

Միակ կուսակցությունը, որ պատերազմի տարիներին մշակեց հետևողական մարքսիստական ծրագիր պատերազմի, խաղաղության և հեղափոխության շարքերի վերաբերյալ և անձնուրաց պայքար ծավալեց այն կենսագործելու համար, բոլշևիկների կուսակցությունն էր:

Վ. Ի. Լենինը պատերազմի հենց սկզբում գրեց. «Հեղափոխական սոցիալ-դեմոկրատիայի խնդիրները եվրոպական պատերազմում» թեզիսները և կուսակցության Կենտկոմի «Պատերազմը և Խուսափումների սոցիալ-դեմոկրատիան» մանիֆեստը: Այս փաստաթղթերում Վ. Ի. Լենինը բացահայտեց պատերազմի իմպերիալիստական էությունը, նրա իսկական պատճառներն ու նպատակները և հիմնավորեց մարքսիստական կուսակցության ու միջազգային բանվորական շարժման խնդիրները:

Վ. Ի. Լենինը, բոլշևիկների կուսակցությունն առաջադրեցին իմպերիալիստական պատերազմը քաղաքացիականի վերածելու, պատերազմում բուրժուական կառավարությունների պարտության աշակցելու, սոցիալ-շովինիզմից ու ցենսորիզմից կապիլը լիակատար խզելու և Երրորդ ինտերնացիոնալ ստեղծելու լուղունգները:

«Եվրոպայի Միացյալ նահանգների լուղունգի մասին», «Իմպերիալիզմը որպես կապիտալիզմի բարձրագույն ստադիա», «Պրոլետարական հեղափոխության ռազմական ծրագիրը» և այլ աշխատություններում Վ. Ի. Լենինը բազմակողմանիորեն բնութագրեց կապիտալիզմի մոնոպոլիստական ստադիան, բացահայտեց նրա առանձնահատկությունները և որոշեց պատմական ուղի, որպես փոռող, նեխող կապիտալիզմ, որպես ռեակցիա հասարակական կյանքի բոլոր բնագավառներում: «Կապիտալիզմն առաջադիմականից դարձել է ռեակցիոն,— գրում էր Վ. Ի. Լենինը 1915 թ.,— նա այնքան է զարգացրել

արտադրողական ուժերը, որ մարդկությանը վիճակված է կամ անցնել սոցիալիզմին, կամ տարիներ ու նույնիսկ տասնամյակներ դիմանալ «մեծ տերությունների ղեկված պայքարին՝ զաղութների, մենաշնորհների, արտոնությունների և ամեն տեսակի ազգային ճնշումների միջոցով կապիտալիզմի արհեստականորեն պահպանելու համար»¹²²։

Հայտնագործելով կապիտալիստական երկրների տնտեսական ու քաղաքական անհամաչափ զարգացման օրենքը, Վ. Ի. Լենինը հանգեց այն եզրակացության, որ իմպերիալիզմի պայմաններում սոցիալիզմը չի կարող հաղթանակել միաժամանակ կապիտալիստական բոլոր երկրներում, կամ երկրների մեծ մասում, այլ կհաղթանակի սկզբում ժմի քանի կամ նույնիսկ մեկ, առանձին վերջրած, կապիտալիստական երկրում»¹²³։

Մեկ երկրում սոցիալիզմի հաղթանակի հիմնավորմամբ Վ. Ի. Լենինը հեղափոխության մարքսիստական տեսությունը զարգացման մի այնպիսի նոր աստիճանի բարձրացրեց և այնքան մեծ էր այդ ասպարեզում նրա ներդրումը, որ այն, ամենայն իրավամբ, կոչվում է սոցիալիստական հեղափոխության նոր, լենինյան տեսություն։

Պատերազմի տարիներին Վ. Ի. Լենինը, բուլշևիկները բացահայտեցին իմպերիալիստական տերությունների զավթողական պլանները նաև Հայաստանի նկատմամբ։ Վ. Ի. Լենինը ցույց տվեց, որ պատերազմի կոնֆլիկտներից մեկը հյուսիս է «Հայաստանի և Կոստանդնուպոլսի համար՝ Ռուսաստանի ու Թուրքիայի և այլոց միջև»¹²⁴, որ ցարական Ռուսաստանը ձգտում է «նվաճել Գալիցիան, Կոնստանդնուպոլիսը, Հայաստանը, Պարսկաստանը և այլն»¹²⁵, որ այդ նպատակին հասնելու համար նա «վաղուց ինտրիգներ է սարքում և՛ Գալիցիայում, և՛ Հայաստանում և այլուր... հանուն «վերամիավորման» վեհ նպատակի կանգ չառնելով ոչ մի տեսակ հանցագործության առաջ»¹²⁶։

Իմպերիալիստական տերությունների զավթողական քաղաքականությունը Հայաստանի նկատմամբ դատապարտեց նաև Վ. Ի. Լենինի ղեկավարությամբ տեղի ունեցած բուլշևիկների արտասահմանյան սեկցիաների Բեռլին կոնֆերանսը (1915 թ. փետրվար-մարտ), ինչպես նաև Ցիմմերվալդյան միջազգային սոցիալիստական կոնֆերանսը (1915 թ. օգոստոս)։ Ցիմմերվալդյան կոնֆերանսը խոր ցավակցություն հայտնեց «պատերազմի բազմաթիվ զոհերին, լեճակված ու բելգիական ժողովուրդներին, հրեակաճ ու հայ հալածված ազգերին, բոլոր այն միլիոնավոր մարդկանց, որոնք տառապում են անսահման աղքատության ու ճնշման մեջ և ստիպված են տանել քամահրանքներ ու չլված սարսափներ»¹²⁷։ Կոնֆերանսի բանաձևում մատնանշվում էր, որ «ամբողջ ժողովուրդների, երկրների, ինչպիսին են Բելգիան, Լեհաստանը, Բալկանյան պետությունները, Հայաստանը,— սպառնում է փոխհատուցում—

122 Վ. Ի. Լենին, *ԵԺԺ*, հ. 26, էջ 381—382։

123 Նույն տեղում, հ. 26, էջ 434։

124 Նույն տեղում, էջ 257։

125 Նույն տեղում, էջ 143։

126 Նույն տեղում, էջ 333։

127 «Циммервальдская и Кинтальская конференции (официальные документы)», М.—Л., 1924, стр. 25.

ների խաղում առևտրի առարկա դառնալու բախտը և ենթարկվելու անըստիանի՝ լիովին կամ մաս-մաս»¹²⁸:

1916 թ. դարևանը Շվեյցարիայի Կինտալ գյուղում կայացած միջազգային սոցիալիստական 2-րդ կոնֆերանսը ընդգծեց, որ «ինչպես ցույց է տալիս Բալկանյան պետությունների փորձը և առանձնապես Սերբիայի ու Հայաստանի ողբերգական ճակատագիրը, փոքր պետությունները և ճնշված ազգերը հանդիսանում են միայն շախմատային ֆիգուրներ մեծ տերությունների իմպերիալիստական խաղի մեջ»¹²⁹:

Հայ ժողովրդի և Հայկական հարցի մասին գրել է նաև համակուտակցական բոլշևիկյան մամուլը՝ «Սոցիալ-դեմոկրատ» թերթը և «Կոմունիստ», ժողովածուն: 1915 թ. մայիսին «Կոմունիստ» տեսական ժողովածուն նշել է, որ «Ռուսաստանում հատուկ ուժով է արտահայտվում պատերազմի հակահեղափոխական բնույթը», որովհետև պատերազմն այստեղ «ցարիզմին ծառայում է» ոչ միայն բանվորական շարժումը ճնշելու, ուսկիցիս ազնվականական կուսակցությունն ուժեղացնելու համար, այլև «Գալիցիայի, Հայաստանի և այլուց վրա» իր տիրապետությունն ու ճնշումը «ընդլայնելու» համար¹³⁰:

1914 թ. հոկտեմբերի վերջին Պետական դումայի բոլշևիկյան ֆրակցիայի հանձնարարությամբ Բաբու եկավ բոլշևիկ Ն. Ն. Յակովլևը, որն Անդրկովկասի բոլշևիկների համար բերեց Վ. Ի. Լենինի «Հեղափոխական սոցիալ-դեմոկրատիայի խնդիրները եվրոպական պատերազմում» թեզիսները: 1914 թ. նոյեմբերի սկզբին Վ. Ի. Լենինի հանձնարարությամբ գաղտնի Շվեյցարիայից Ռուսաստան վերադարձավ Ա. Ա. Բեկզադյանը, իր հետ բերելով բոլշևիկյան կուսակցության Կենտկոմի «Պատերազմը և Ռուսաստանի սոցիալ-դեմոկրատիան» մանիֆեստը, Պետրոգրադի բոլշևիկների մանիֆեստը հանձնելուց և նրանց աշխատանքներին ծանոթանալուց հետո Ա. Ա. Բեկզադյանը 1914 թ. նոյեմբերի կեսերին եկավ Բաբու և մանիֆեստը բերեց նաև Անդրկովկասի բոլշևիկներին¹³¹:

1915 թ. ամռանը վերականգնվեցին Վ. Ի. Լենինի և Կովկասի բոլշևիկյան կազմակերպությունների ճանաչված ղեկավար Ս. Գ. Շահումյանի նամակագրական կապերը: 1915 թ. հոկտեմբերի 1-ի ժամկազի նամակում, Ստ. Շահումյանը Վ. Ի. Լենինին հայտնում էր. «Ընդհանրապես ասած թույլ եմ տալիս կարծիք, որ ես և մեր բոլոր ազգականները (բոլշևիկները) բարձր ենք պահում մեր ընտանեկան (բոլշևիկյան կուսակցության) դրոշակը, և որ Դուք կարող եք մեր ղեկավարության համար հանդիսա լինել... ես ունեմ բոլոր հիմունքները կարծելու, որ մենք կունենանք փայլուն հաջողություն...»¹³²:

Պատերազմի, խաղաղության և հեղափոխության հարցերի վերաբերյալ լենինյան դրույթները դարձան նաև Անդրկովկասի ու Հայաստանի բոլշևիկյան կազմակերպությունների գործունեության ուղեցույցը:

Կովկասի և Հայաստանի բոլշևիկների կյանքում մեծ նշանակություն ունե-

¹²⁸ ՍՍՀՄ ՀՆՇԳԳՊ, ֆ. 102, Ոստիկանության ղեկարարական, հատուկ բաժին, 1916, գ. 3, յ. 22, ք. 4:

¹²⁹ «Циммервальдская и Кинтальская конференции...», стр. 53—54.

¹³⁰ «Коммунист», 1915, № 1—2, стр. 3.

¹³¹ ՏՆՍ ՄԻԻ ԿԳԱ, ֆ. 124, ց. 1, գ. 153, ք. 5 և ՍՍՀՄ ԿԳԳԱ, ֆ. 153, ց. 1, գ. 2859 ք. 20:

¹³² Ստ. Շահումյան, Նամակներ, 1896—1918, Երևան, 1959, էջ 52—53:

ցավ Ստ. Շահումյանի գլխավորությամբ 1915 թ. հոկտեմբերի սկզբին Բարձրագույն հրավիրված ՌՍԴԲԿ Կովկասի բոլշևիկյան կազմակերպությունների անլեզու խորհրդակցությունը, Այն քննարկեց և համապատասխան բանաձևեր ընդունեց ընթացիկ մոմենտի, ազգային հարցի, Կովկասում աղգությունների փոխհարաբերությունների և կազմակերպական հարցի մասին:

Խորհրդակցության «Ընթացիկ մոմենտի մասին» բանաձևում նշվում էր, որ երկրորդ տարին շարունակվող համաշխարհային պատերազմը կապիտալիստական մեծ տերությունների իմպերիալիստական քաղաքականության արդյունքն է և նրա մեղավորները հենց այդ տերություններն են: Պարզաբանելով, որ «միայն կապիտալիստական կարգի ոչնչացումը... և այդ կարգը սոցիալիստական կարգով փոխարինելը ժողովուրդներին կարող է փրկել հետագա զազանացումից ու ինքնաբեղնաջնջումից և մարդկությանը զուրա բերել հետագա պրոգրեսի ուղին», խորհրդակցությունը սոցիալիստական կուսակցությունների հիմնական խնդիրն էր համարում «սոցիալիստական հեղափոխության ուժգին պրոպագանդան»¹³³:

Նշավակելով Կովկասի բուրժուա-նացիոնալիստական կուսակցությունների հակաժողովրդական գործունեությունը, խորհրդակցությունը պահանջում էր է՛լ ավելի ուժեղանել պայքարը բուրժուական նացիոնալիզմի և նրա բուլդոզերային գործողությունների դեմ:

ՌՍԴԲԿ բոլշևիկների Կովկասյան խորհրդակցության բանաձևերը, որ գրել էր Ստ. Շահումյանը, տպագրվեցին և տարածվեցին ամբողջ երկրամասում: Դրանք արժանացան Վ. Ի. Լենինի բարձր գնահատականին: Կուսակցության կենտրոնական օրգան «Սոցիալ-դեմոկրատը» 1916 թ. փետրվարի 29-ի համարում նշում էր. «Ս. Գ. բոլշևիկները՝ Կովկասի ինտերնացիոնալիստների՝ ռուսների, վրացիների, հայերի և թաթարների անունից հրատարակել են մանիֆեստ, որը շարադրում է նրանց տեսակետը պատերազմի մասին: Այդ փաստաթուղթն ամբողջովին կանգնած է ՌՍԴԲԿ ԿԿ-ի մանիֆեստի դիրքերի վրա...»:

Առաջին համաշխարհային պատերազմի տարիներին Կովկասի բանվորների, աշխատավոր գյուղացիների և սովորող երիտասարդության քաղաքական լուսավորման ու կազմակերպման գործում կարևոր դեր է կատարել նաև 1915 թ. դեկտեմբերի 6-ից Թիֆլիսում լույս տեսնող և մինչև հարյուրերորդ համարը հեղափոխական-դեմոկրատական, ինտերնացիոնալիստական ուղղություն ունեցող «Պայքար» գրական, հասարակական, քաղաքական և տեսական հայերեն լեզու շաբաթաթերթի: «Պայքարին» ակտիվորեն աշխատակցում էին Ստ. Շահումյանը, Ա. Միկոյանը, Ասք. Մուսվաթյանը, Ս. Խանյանը, Ա. Ներսիսյանը, Հ. Ազատյանը, Ա. Ամիրջանը, Ա. Կարինյանը, Մ. Միլիբյանը, Հ. Կամարին, Գ. Հայկունին, Հ. Հակոբյանը, Հ. Պողոսյանը, Գ. Ղազարյանը, Հ. Հովսեփյանը, Հ. Սյուրյանը, Սիմակ Սահակյանը, Արադին և ուրիշներ:

«Պայքարի» էջերից բոլշևիկներն անհաշտ կոչով հայտարարեցին նացիոնալիզմին, որը մեծ խոչընդոտ էր Կովկասի բազմազգ պրոլետարիատի և աշխատավորության ինտերնացիոնալ միասնության ձևանպաստման: «Ինտերնացիոնալ և նացիոնալիզմը» հոդվածում Ստ. Շահումյանը ցույց էր տալիս, որ բուրժուական նացիոնալիզմը և պրոլետարական ինտերնացիոնալիզմն իրար լիովին հակադիր գաղափարախոսություններ են: Նացիոնալիզմը բուրժուա-

գիայի այն զննքերից մեկն է, որով նա ամրապնդում է իր տիրապետությունը: Իմպերիալիզմի օրոք նացիոնալիզմը հասնում է իր «գագաթնակետին», վեր է ածվում «նացիոնալ-իմպերիալիզմի», որը «ստրկացնում ու կեղծում է հետամնաց երկրների, գաղութների ազգաբնակչությունը, ճնշում ու բռնի ուժով խեղդում է ամեն մի դիմադրություն բանվորական մասսաների կողմից—հանուն «հայրենիքի» շահերին և բերում է վերջապես դեպի այն զարհուրելի ընդհարումները ազգերի միջև, որոնց մենք ականատես ենք այսօր»¹³⁴:

«Պայքարը», ինչպես նշել է Ասք. Մռավյանը, պատերազմական շրջանի շահադանց խիստ զրաքննության պայմաններում, եզոպոսյան լեզվով, հաճախ աներևակայելի, ոլորապտույտ ուղիներով կարողանում էր քարոզել նաև հակապատերազմական մտքեր, մերկացնել պատերազմի իմպերիալիստական բնույթը, ցույց տալով պատերազմից դուրս գալու ուղին, աշխատավոր մասսաների սոցիալական և ազգային ազատագրության ուղին: Չնայած թերթը հրատարակվում էր հայերեն լեզվով, այնուամենայնիվ, նրա էջերից պրոպագանդավոր գաղափարները լայն տարածում գտան ոչ միայն հայ, այլև՝ երկրամասի մյուս ազգերի բանվորների և աշխատավորների միջև: Ահա թե ինչու «Պայքարին» օգնում և օժանդակում, նրա համար հանգանակություններ էին կազմակերպում ինչպես հայ, այնպես էլ վրացի, ռուս, հրեա, օս, ադրբեջանցի և լեզգի բանվորներն ու առաջադեմ մտավորականները¹³⁵:

1917 թ. Ստ. Շահումյանի խմբագրությամբ Բաքվում լույս տեսնող բուլշևիկյան «Սոցիալ-դեմոկրատ» թերթը, խոսելով կովկասյան իրականության մեջ «Պայքարի» կատարած բացառիկ դերի մասին, նշել է, որ նա հրապարակելով այն ժամանակ, երբ ազգամիջյան վեճերը Կովկասում հասել էին իրենց եռման աստիճանին: Եվ ահա «պատմական այդ պատասխանատու մոմենտին» «Պայքարը» միայնակ բարձրացրեց միջազգայնության դրոշմը, և այդ հանգամանքն ունեցավ ահագին անզրադարձում հարևան ազգությունների մեջ»¹³⁶:

Պատերազմական դրության ծանր պայմաններում Հայաստանի բուլշևիկներին հաջողվեց իՄԴԻԿ Կովկասյան բյուրոյի ղեկավարությամբ և Թիֆլիսի ու Բաքվի բուլշևիկյան կազմակերպությունների օգնությամբ, ղգալի աշխատանք կատարել ցարիզմի կողմից ջախջախված կուսակցական կազմակերպությունները, խմբերն ու քիչները վերականգնելու, նորերը ստեղծելու, ինչպես նաև աշխատավոր մասսաներին և Կովկասյան բանակի ղեկավորներին կուսակցության լենինյան լուզոնգների շուրջը համախմբելու և նրանց պայքար ցարիզմի ու իմպերիալիստական պատերազմի դեմ կազմակերպելու ուղղությամբ:

Այս գործում հատկապես նշանակալից էր էշմիաձնի (Գ. Աթաբեկյան, Ա. Հովհաննիսյան, Ա. Միկոյան), Ալեքսանդրապոլի (Պ. Արվիլաձե, Ա. Շահինյան, Ա. Վարդանյան, Բ. Ղարիբջանյան), Սարիղամիշի (Ստ. Ալավերդյան, Ս. Թավդիշվիլի, Ն. Լեծավա, Գ. Հակոնյի, Տ. Մուսիկ, Վ. Կիսաշվիլի), Երևանի (Ա. Մելիքյան), Կարսի (Հ. Սարուխանյան), Ղարաբիլիսայի (Վ. Մռավյան, Վ. Մխիթարյան), Զանգեզուրի (Ր. Հարությունյան, Բ. Մկրտչյան, Մ. Մաշուրյան) և այլ վայրերի բուլշևիկյան կազմակերպությունների, խմբերի ու քիչներին գործունեությունը:

134 Ստ. Շահումյան, *եժժ*, հ. 3, էջ 75:

135 Տե՛ս «Պայքար», 1916, № 49:

136 «Սոցիալ-դեմոկրատ», 1917, № 3:

Այսպիսով, առաջին համաշխարհային պատերազմի տարիներին Անդրկովկասի և Հայաստանի բոլշևիկները ոչ միայն լիովին պաշտպանեցին կուսակցության լենինյան քաղաքականությունը պատերազմի, խաղաղության և հեղափոխության հարցերի վերաբերյալ, այլև ընդհատակի ծանր պայմաններում հերոսական պայքար ծավալեցին այդ քաղաքականությունը կենսագործելու համար: Խոսելով այդ մասին, լենինյան «Սոցիալ-դեմոկրատը» նշել է, որ Կովկասի բոլշևիկյան կազմակերպությունը «...լավ ու հաջողությամբ է պաշտպանում հեղափոխական մարքսիզմի դրոշը Կովկասում նաև այժմյան ծանր օրերին... կուսակցական անլեգալ աշխատանքն ուժեղ կերպով ծավալվում է Կովկասի բոլոր վայրերում: Եւրոժումն ստեղծվում և առաջ է գնում բացառապես հեղափոխական սոցիալ-դեմոկրատ ինտերնացիոնալիստների լուրջնգներով...»¹³⁷:

8. ՊԱՏԵՐԱԶՄԸ ԵՎ ԱՐԵՎԵԼՅԱՆ ՀԱՅԱՍՏԱՆԻ ՏՆՏԵՍՈՒԹՅԱՆ ՔԱՅՔԱՅՈՒՄԸ: ԱՇԽԱՏԱՎՈՐՆԵՐԻ ԴՐՈՒԹՅԱՆ ՎԱՏՔԱՐԱՑՈՒՄԸ

Առաջին համաշխարհային պատերազմը ծանր ննդրադարձավ երկրի տնտեսության վրա: Արդյունաբերությունը, գյուղատնտեսությունն ու տրանսպորտը խոր ճգնաժամ ապրեցին: Մասսայական զորահավաքների հետևանքով երկրի աշխատունակ տղամարդկանց 40—50 % -ը՝ մոտ 15 միլիոն մարդ բանակ զորակոչվեց: Պատերազմի հենց առաջին տարում ժողովրդական տընտեսությունից զորակոչվեց 7 միլիոն 400 հազար մարդ¹³⁸: Ռուսաստանի բազմաթիվ նահանգներում գյուղացիական տնտեսությունների ընդհանուր թվի մեկ երրորդը, իսկ որոշ նահանգներում նույնիսկ կեսը մնաց առանց աշխատող ձեռքերի: Մորիլիզացվեցին նաև ժողովրդի նյութական միջոցներն ու բանող անասունները: Մինչև 1917 թ. երկրորդ կեսն ամբողջ երկրում հավաքագրվեցին 2 միլիոն 600 հազար ձի և 18 միլիոն եղ ու բանող այլ խոշոր անասուններ¹³⁹, Գյուղացիական տնտեսությունների հսկայական մասը մնաց առանց ձիու: Արդյունաբերության ռազմականացման հետևանքով Ռուսաստանի 3 միլիոն 300 հազար ֆաբրիկագործարանային բանվորներից մեկ միլիոն 900 հազարը (57,6%) 1916 թ. վերջին արդեն պատերազմի համար էին աշխատում¹⁴⁰, Անկում ապրեցին արդյունաբերության և գյուղատնտեսության համարյա բոլոր ճյուղերը: 1917 թ. բարաձխի հանույթը, 1913 թ. համեմատությամբ, կրճատվեց ավելի քան 21%-ով, նավթինը՝ 23%-ով, սև մետաղի ձուլումը (առանց Լեհաստանի) ավելի քան 10%-ով (1916 թ.), պղնձինը՝ 50,6%-ով և այլն¹⁴¹:

Պատերազմը ծանր հարված հասցրեց նաև գյուղատնտեսությանը: 1917 թ.

¹³⁷ «Социал-демократ», 1916, № 51.

¹³⁸ ՏՆ՝ Պ. Ի. Կաշչենկո, ՍՍՀՄ ժողովրդական տնտեսության պատմություն, հատ. 2, Կապիտալիզմ, Երևան, 1950, էջ 579:

¹³⁹ ՏՆ՝ «История СССР», т. VI, М., 1968, стр. 584; Պ. Ի. Կաշչենկո, *Եղված աշխ.*, էջ 579:

¹⁴⁰ ՏՆ՝ Н. Н. Минц, История Великого Октября, т. I, М., 1967, стр. 125.

¹⁴¹ ՏՆ՝ «Труды ЦСУ», т. VII, вып. I, «Статистический сборник за 1913—1917 г.», М., 1921, стр. 78; Պ. Ի. Կաշչենկո, *Եղված աշխ.*, էջ 576; А. Д. Брейтерман, Медная промышленность России и мировой рынок, ч. III, М., 1930, стр. 250.